

بِسْمِ اللَّهِ الرَّحْمَنِ الرَّحِيمِ



Jalsa Salana

DISCOURS CLOTURE

HADHRAT MUHYI-UD-DIN AL-KHALIFATULLAH

Munir Ahmad Azim

07 Octobre 2017



Après ki li fine salué tous so bane disciples (et tous bane musulmans) entier le monde avec la salutation de paix dans l'islam, Hazrat Muhyi-ud-Din (atba) fine lire Tashahhud, Ta'uz, Surah Al Fatiha, et li fine ensuite axé so discours lor « La Réforme de la Jeunesse »:

Wa laqad karramnaa Baniiii Aadama wa hamalnaahum fil-barri wal-bahri wa razaqnaahum minat-tayyibaati wa fazzal-naahum 'alaa kasiirim-mimman khalaqnaa tafzii-laa.

Nous fine donne l'honneur bane zenfants Adam, et Nous fine transporte zotte lors la terre et la mer. Nous fine fourni zotte bane bon kitsoz, et nous fine accorde zotte plus de faveurs qui beaucoup de Nous bane les autres créatures. (Bani Israël 17: 71)

Dans sa le monde ki nous pé vivre là, li décoré dans toute sorte façon, ena tous qualités joués pé jouer dans sa le monde là. Ena bane jeux pour gagne l'amitié, ena bane jeux la haine, bane passions. L'homme amène ene la lutte et li envie dans tous kitsoz, li sorte gagnant (victoire), et li envie prouver ki li été, pour justifier so l'existence lors la terre et alle plus devant, et nous oublier bien vite ki nous seulement de passage lors sa la terre là et nous pas fine gagne ene la vie éternelle (l'immortalité). Nous ena l'amour seulement pour nous-mêmes, c'est-à-dire nous content toujours gagner, nous pas content trouve nous frère arriver, nous envie vine ene grand dimoune, ki tous dimounes respé nous et peur nous. Nous oubli Allah So bane faveurs ki Li fine faire lors nous. Ena encore bane les autres kitsoz encore; alors tous sa bane zaffaires là amène l'homme vers ene pensée comme si li pou éternel lor la terre. Cotte ou guetter de nos jours, partout ena destructions, la guerre, vengeance, oppressions, pé amène ene la vie moderne (dans pop), péna la paix sociale, la religion et code morale fine disparaître complètement. Dans nous petite ile ki nous pé vivre, pas manque l'églises, mosquées, temples et pagode. Nous bien paresse et réticent dans le domaine de la spiritualité. Malgré tous sa bane zeffort spirituels là, bane jeunes de Maurice fine vine matérialiste. Pour bane jeune fine vine matérialistes, faudé nous société moderne fine gêter complètement. Beaucoup de nous bane jeunes azordi, rode tou kitsoz faciles et zotte plaisirs li trouve dans fréquente bane camarades ki pé amizer, pé amène ene la vie fou pas mal, la drogue, l'alcol, disco, T.V et avec so bane films et films ki ena lor vidéo. La société fine alle dans ene décadence bien alarmante.

De nos jours, le plus gros problème c'est la télévision. Tellement ena beaucoup les temps perdi devant la télévision, si nous analyse sa sérieusement, nous trouve beaucoup dimoune perdi zotte le temps précieux devant la télévision. Ena ene l'étude fine faire lors là, ene ménagère passe 5 heures par jour devant so télévision. Si sa l'étude là li exacte, le temps sacrifié devant télévision li tout simplement démesuré. La télévision li ene moyen de divertissement cotte ena bane bon émissions: ena bane dessins animés pou bane petits, des histoires, l'information, documentaires, etc. Mais ena aussi bane programmes ou films ki montrer dans télévision li influence ou, parfois ou guette sa bane publicités là même kot li incite bane dimounes pou prend la boisson etc. Télévision influence bane dimounes dans plusieurs façons.

Ene zenfant innocent ki guette télévision, li vine ene meilleur juge, li conner ki sanne-là acteur et ki sanne-là villain dans film. Lendemain li amène ene style acteur et li faire so camarade amène style vagabond. Alors doucement doucement sa bane zenfants là zotte fine impliqué dans la criminalité et zotte détruire zotte la vie et parents gagne beaucoup problèmes et tracas et zotte étonner couma li fine vine coumsa.

Nous bane grands ki là, si pense nous la vie avant ki ti ena télévision, nous trouver ki beaucoup nous bane le temps ti consacré à la lecture. Ene homme bien instruit, li passe so le temps à faire la lecture dans le passé, mais azordi pas même ene dixième so le temps libre ki li consacré li à la lecture. Dans le passé la lecture ti ene façon de se détente, mais aujourd'hui, li considéré comme ene fardeau et dimoune là ou ti jeunesse là préfère alle détendre li devant la télévision. Après ki li sorte travaille au bureau, devoir bane zenfants terminé, zotte tous assisé ensemble guette la Télévision.

La lecture, ene dimoune capave choisir c'est ki li désiré pou lire, mais télévision ena ene série de programme et films ki li bizin assisé guetter. Nous fine acheté ene télévision, li forme parti dans divertissement de nous la vie mais nous bizin trouve ene moyen pou pas dépasse bane barrières, parceki nous bien différent avec le monde occidental. Alors prend compte de nous bane zenfants, encourage ou bane zenfants pou faire la lecture. La lecture pé vine plus en plus difficile de nos jours, surtout la lecture ki concerne la connaissance religieuse pé vine ene nuisance pou sa jeune génération là. Si ou donne li ene livre lor la religion pou lire, li guette ou avec étonnement et li dire, ou ki ou pé faire.

Azordi zours bane zenfants fatigué vite. Quand ou dire zotte faire ene travaille, faire *Namaz*, ou soit alle lire un peu, li dire ou, mo fatigué, mo fine passe ene journée à l'école. Li pou alle assizer guette so télévision. Si ou donne li ene livre lors *Deen* pou lire, li lire quelque la lignes, li arrêter li dire mo pas pé comprend nannié.

Alors cotte sa jeune génération là pé aller. Si li lire, li lire très peu et après li dire li pas pé comprend narien, li arrête là même. Bane parents aussi pas faire aucaine pressions lors zotte zenfants et zotte laisse zenfants faire sa ki zotte envie comme-ci diré zotte peur zenfant là. Et zotte pas pé penser ki l'effet télévision pé faire zour en zour et couma sa pé influence ou zenfant et ou même pé laisse aller même. Nous pas pé penser ki pou arrive nous zenfants demain et ki pou arrive ou zenfants, et zotte zenfants; nek nous pé suivre bane la mode et nous pé tombe dans la trappe. Nous même, nous bizin pense bane les temps ki nous fine perdi et aussi le temps ki nous bane zenfants fine perdi. Si ou pas réussi faire zotte comprend philosophie de nous la vie et ki nous croyance différent avec l'occidental, alors, li pou trop tard. Alors encourage zotte faire la lecture, kot ou aussi ou faire la lecture et ou vine ene l'exemple pou ou zenfants. Ki Allah aide ou et reste avec ou toujours ! *Ameen*.

Bane jeunesses ki là azordi, pense bien la jeunesse li ene période de la vie kot ou bizin dévouer ou pleinement dans la prière, bane travailles dures et prend bane responsabilités. La réforme d'ene nation pas pou capave faire à moins la jeunesse li réforme li-même. C'est nous devoir dans le Jamaat Ul Sahih Al Islam pou réforme la jeune génération et augmente zotte connaissance lor *Deen* et faire zotte gagne ene l'intérêt et prépare zotte pou faire le travail de *Da'wah*.

Le Jamaat Ul Sahih Al Islam so but c'est établir l'Unicité d'Allah, et pou ena l'amour envers nous prochains, vivre en paix avec les autres et rétablir bane valeurs morales ki fine disparaitre. Et c'est pour sa raison là ki ou trouver dans Jamaat Ul Sahih Al Islam sous l'instruction Divine, nous ena nous Study Circle, et plusieurs bane Meeting and Training, pour ki nous donne, nous bane jeunes ene bon l'entraînement pour qui zotte capave trouve Allah, gagne l'Amour d'Allah dans zotte lé coeur, et aussi l'amour pou zotte prochain et servi zotte pays et l'humanité en général. Pour atteindre sa but là nous bizin ena ene programme bien vaste lors développement spirituelle, morale, intellectuelle et physique...

Pour nous, nous guide, nous la lumière, c'est le Saint Coran. Nous bizin agir en conformité avec bane commandements ki ena dans Saint Coran. Chacaine parmi nous bizin faire sa vine *Farz* (obligatoire) ki nous lire le Saint Coran tous les jours et nous cherche ene bon direction et le Quran guide nous dans nous la vie. *Insha-Allah*.

Bane excellences du Saint Coran, li tel que, ki nous bizin projette sa la lumière là au delà de nous l'horizon et c'est nous devoir sa pour donne sa bane l'enseignements du Saint Coran là au monde entier. Chaque membre du Jamaat Ul Sahih Al Islam bizin faire so 5 fois Namaz par jour et nous tous conner ki Namaz, li ene de sa 5 piliers de l'Islam là. Sans le Namaz, tous nous bane les zottes bonnes actions pou couma ena édifice sans base. Tous bane injonctions du Saint Coran et du Prophète (saws), li complètement lors sa sujet là même (c.à.d. Namaz).

Hazrat Mohammad (saws) fine dire, c'est ki ou capave distinguer entre ene musulman et ene hypocrite c'est le Namaz. Celui ki néglige ene seul Namaz de sa cinq prières quotidiennes là, pas capave dire ki li ene Musulman. La tâche de bane officiers du Jamaat et la Jamaat en général bizin prend sa bien au sérieux et chacaine parmi nous bizin faire so cinq fois Namaz par jour, et conne aussi zotte traduction, et encourager pour faire zotte Namaz en congrégation. Et aussi nous bizin faire sa ene devoir ki nous lever pour le Tahajjud aussi et si possible en congrégation. Nous bizin prier pou le bonheur de nous bane proches, pou nous bane camarades, pou nous bane compatriotes et pour nous pays et pour nous l'ennemis aussi.

Hazrat Massih Ma'oud (as) fine dire : « *Mo religion fine enseigné, aussi longtemps ou pas prier pou ou l'ennemis ou pas pou ena ene conscience tranquille.* » Li dire prier pou ou l'ennemi, c'est suivre l'exemple du Saint Prophète (saws). Eski c'est pas avec la prière même ki Hazrat Oumar (ra) fine vine Musulman? Car le Saint Prophète (saws) ti pé prié régulièrement pour li. Hazrat Massih Ma'oud (as) dire: « *Faudé pas ou avare dans ou la prière.* » Et li-même li dire ki plusieurs fois li fine prier pour so bane l'ennemies. Li dire suivre sa l'enseignement là et ou pou récolter bane fruits.

Nous bane jeunes, zotte le colon vertébrale de la nation (*backbone of the nation*). Zotte bizin marche lor le chemin du progrès et prend zotte responsabilité et mo sonhaite zotte ene bon chemin vers Allah.

Jamaat Ul Sahih Al Islam so objectif (*to build a new world*), pour construire ene nouveau monde, de côté matériel et spirituel. Sa progrès la pas pour arriver tant ki ou pas faire céki dire ou faire, et ou pas lente dans ou travail. Progrès la pour arriver seulement quand nous tous pour mette la main dans la main pour construire sa nouveau monde là. *Insha-Allah*.

Alors place ou confiance dans Allah et réforme ou. Lever dans la nuit faire ou la prière surérogatoires (*Nafil*) et l'heure là ou pou vine sa jeune ki faire bane rêves (rêves révélateurs). Quant à chacaine parmi nous, bane jeunes, vine bane *Abdaal*. Bane *Abdaal* c'est zotte même par zotte bane la prière fervente zotte fine gagne la Faveur Divine et zotte ene modèle de la vertu. Faire beaucoup zefforts pou rapproche ou avec Allah juska ki bane dimounes alle conner qui Allah exauce ou la prière et zotte vine demande ou pour prier pou zotte. Mo faire *doah* avec Allah, ki Allah aide zotte tous et donne zotte ene visage ki illuminé par la lumière d'Allah et non pas ene visage Satan.

Couma Allah dire dans Quran, Chapitre 30, Surah Ar-Rum Verset 31 :

Fa-aqim wajhaka lid-Diini hanifaa; Fitratil-laahil-latii Fatarran-naasa alayhaa.

Dirige tout to les corps vers la religion avec toute sincérité; La religion naturelle qui Allah fine donne dimounes.

Ki Allah aide nous tous, petits et grands, jeunes et vieux, missiés et madames pou comprend sa message là, et fer tout saki en nous pouvoir pou faire nous la vie vine ene vrai représentation de l'Islam en tout point. *Insha-Allah, Ameen.*